

丹經

景琴心誦逸篇高  
騫神自暢長嘯意何  
道士能行火仙人解出  
煙清冷聊抗首世外一  
超然

道中寓懷

空碧澄澄急舸凌溪光  
晚色鏡中凝煙生寒楚  
帆孤映酒對青山影獨  
凭當路誰爲楊得意使  
君今是柳吳興流清蘭  
月微風





越覽篇

讀丹經

鍊石餐奔景琴心誦逸篇高騫神自暢長  
嘯意何玄道士能行火仙人解出煙清冷  
聊抗首世外一超然

道中寓懷

空碧澄澄急舸凌溪光晚色鏡中凝煙生  
寒楚帆孤映酒對青山影獨凭當路誰爲  
楊得意使君今是柳吳興流清蘭月微風

動莫不題詩好自矜

又

曲徑苔荒度欲妨  
深躋巒壑白雲長  
巖幽磴落逢熊館  
泉上風晴引麝香  
攀葉洞門窺倒景  
懸蘿巉石跨飛梁  
可堪薄望川原隔  
白日蒼茫亦寢光

又

晨駕飄搖去越鄉  
芙蓉秋宇鷺雲裝  
空教登岳梁生嘆  
無那懸鞍仲悌傷  
肆目自憐

猶怵惕一丘誰擅任  
徜徉從今蒙袂携簞  
食遮莫逢人饋五漿

又

盤雲雙鶴下秋松  
水上迢遙到寺鍾  
傾壁半臨仍倚壑  
亂烟空度欲成峯  
橋通小市連湖色  
月近西林帶石淙  
萬事却看徒委鬱  
撫膺深計未能從

和荅平洲

烟蘿開小徑  
林月鑒輕帷  
興洽樽仍倒  
談



傾席屢移離堂深夜漏別緒減秋枝若道  
憐游處登臨一詠詩

又

軒車忽載馳浪跡逐風移猶憶逢迎日其  
如悵別時蓬飛驚鬢色涕下落容儀賴有  
瑤華贈還能慰所知

和荅少溪見懷

高秋遠策動悲歌搖落終如逸氣何瓔佩  
若爲空自忝才情偏許較誰多淹翔名岳

游應逼容與崇湖楫又過不信沖霄還  
羽獨憐池上候鳴珂

同朱楊二子入武夷

綵虹天際抗飛峯天嶠林巒入望重垂躋  
絕雲空霧濕崩槎接澗碧蘿封精靈欲問  
千年蛻澤氣先鳴九乳鍾暫卧仙人盤石  
上夢驚清月冷深松

又

羣岫逶迤擁夕烟千崖猿鳥憩瓊田乘流



奔壁藏舟壑倚策驚泉瀑布巔白石青泥  
尋往迹赤瑛丹篆預來緣相將或遇臨峯  
鶴欲敘分携重欵然

同楊子觀一字天風穴朱子不能  
從也

怪石崎嶇漏穴通陰岩相倚互玲瓏千尋  
凝黛含丹室一隙微光瞰碧空乳竇淙淙  
常濺水仙衣奕奕半懸風自疑虛往臨無  
別是神游九館中

江行

風行入亂山乘日漾舟閑草色生衣上江  
雲出袖間境閒花稍落林靜鳥忘還無事  
嗟淹涉予行欲度關

又

秋澗澹成淒幽尋水屢迷高枝巖露滴清  
夜嶂猿啼意自傷齊瑟能甘愧魯雞次寥  
心賞寄浪棹興新携

又



渺默獨多懷吾生信有涯華滋紛易歇芳  
願坐成乖湍急流分緒清哀韻寡諧竊令  
臯壤歎一更恨塵埋

又

荒墟浮樹杪水竹繞斜臺離思三秋駛閑  
情萬里開桐門關向夕野席坐恒空苔人語  
空林外疑從左掩來

假舍錢塘

曉行斤竹澗夕舍蟻丘漿石鏡寒蕪掩山

窓芋葉藏烟光微帶月草色暗沾霜中  
驚潮發離懷與夜長

又

三載西陵路重來秋更深江聲風倚疾山  
氣霧兼沉清笛含愁思哀鴻引夜陰那堪  
闌夕語展轉惜年侵

又

亂花相倚暮流吹起松間濤影橫侵岸波  
文遠映山開軒聊騁望把酒慰方還若遇



親知問應愁改舊顏

寄憶平洲

末路逢君晚在情憐共深訪竒欣散秩探  
賞靜携琴暮色臨空靜煙容命思禁迢迢  
信浮跡江上一哀吟

又

萱蘇問離柝蘭芷憶追尋染翰游雲肆幽  
期映玉林眷言敦昔契何用慰分襟庶協  
平生分夢登天姥岑

次理山冬日燕居別業

華崖飛水霧平藹結空林勝寄紛應遣閒  
居歲屢侵夕風淒岫幌霜月凜煙心賴有  
松聲度遙看倚玉琴

過石湖山寺

達水遶菴林蕭然十地陰斷山浮髻色空  
梵涕潮音院別宗因寂堂臨客到深晚聞  
方等論一更會沖心

春思



潛居疑屏跡望美蕩遙情草綠深池色泉  
清潔鳥聲光虛流靄住石近濕煙生却憶  
青山伴歡言惜未并

又

春散煙霏夕閒生卷帙餘垂藤交密牖落  
影戲行魚香焰經簾細碁聲就水虛此時  
聊命酒一倍覺情疎

又

芳色照林扉清墀滿夕暉苔滋青逼幌花

暖氣薰衣棟裏雲生寂松間鶴避稀  
隨所適調軫坐忘歸

過湖上望諸山

平湖閣晚風山色亂煙中隱映芝宮出依  
微羽吹通壑深春散靄巖倚石分叢想見  
雲流處尋源未可窮

又

飛閣拂輕蘿層臺汎碧波嶺猿和露泣巢  
鶴帶煙過天入標峯迥巖開寫霧多未能



淹逸駕芳杜悵如何

石川張文過湖承投贈用韻

故人遙訪慰樽前湖上風煙入麗篇  
寥廓心期平子待蕭條情緒朗公憐  
鶯花無藉空三月茂藿長齋類八禪  
莫恠相逢渾落莫遲君應在海雲邊

上南坦先生

傳說是星靈時憑寄典刑道由元氣植神  
以太和寧繫望今應切爲心故自冥聊將

金匱訣霞外養脩齡

又

遺老三朝舊人文間代賢祇疑黃閣貴惟  
就白雲眠渺默乘真氣恬愉返自然欽風  
徒自昔挹想殆忘筌

又

蕭灑乞閒身猶傳誦甫申榮名岫泰華勛  
業在陶鈞獨載登山屐悠然塾角中卷舒  
庸有意且莫問經綸



又

閒稱物外賓石徑少埃塵結社招同好行  
歌任採真水煙通別趣蘭杜接幽鄰那得  
從公逝遺民况是親

寄蔡白石先生

弱冠曾聞海內名爭看文賦似西京風流  
會使虛懷映神解能令四座清自是煙虹  
驚藻思可煩花鳥入閑情祇今未竭平生  
分相去那無咳唾輕

借鹿門諸君集飛英塔院

芳甸春遊暫喜同清言還就百花宮十年  
江漢悲王粲此日琴樽對孔融櫪上何須  
憐駿逸人間應是笑緣空可堪今夜禪池  
月回首長安似夢中

宴集天寧寺

三月飛花院院同暢然垂帶柰林風禪思  
頓使羈勞釋梵宇堪悲大劫空屢說調猿  
曾有悟如聞想馬竟能通染衣若許陶潛



醉便合浮杯向此中

貽唐一菴

茗上春深雨氣多  
端居爲復興如何  
閒來曳杖從鄰父  
睡起牽衣出薜蘿  
青瑣赤墀猶入夢  
綠陰黃鳥自成歌  
已知獨立風塵外  
問道何時一許過

春盡齋中

叢竹深齋厭鳥啼  
數番花雨過前溪  
陰多痺濕羸身覺  
氣晚森沉倦思迷  
芳草空教

青檻外幽雲那復綠  
窓西欲憑眺詠懷孤  
遣何事吟成望轉悽

寄憶平洲

嗟君好古更憐才  
茂樹陰交甲館開  
中歲棄官名况遠  
十年成賦思稱該  
已裁野服能忘累  
久謝時情幸免猜  
矯首山川雲霧裡  
尺書欲寄倩誰來

衢州道中

情塵日暮尚紛紛  
卷帶空令思逸羣  
路向



碧潭龍卧久滿身鱗甲冷秋雲

小軒新成

獨依春草結茅簷書帶含煙綠遂添自遣  
花飛茵席上不教驚燕數窺簾

又

竹外斜軒晚氣清縈紆碧檻帶芳蘅吏人  
散後焚香坐江鶴鳴時報雨晴

又

庭阿新畫碧煙開盡日無人長綠苔可是

江華引鄉思釣竿持向五湖來

又

隨意丹房學火符浮雲身世寓虛無傳將  
小草還真訣夜夜青天隴月孤

贈繆鍊師

曾經採藥遇浮丘行氣時殄石髓流禮斗  
夜深聞鼓瑟一壇星冷碧天秋

漫詠

青溪碧浪樹中分宴坐鳴琴芷杜焚山氣



釀寒侵竹色暮心聊作未歸雲

齋居

沉雨擁朝旦澄默發清機輕吹溜通隙簷  
宇下幽暉煙綿露條泥靡迤風篠稀撫情  
泣流景浮心怨凄菲歲役互盈侵焉能望  
端闈江介愈渺漫芳願積已違豈無臨池  
奏前嘆重沾衣

在郡作

高齋映山郭澄湖暖郊甸况復東留時歷

歷平疇見簷筍聚連陰芳煙散餘絢徒然  
掩軒卧幸自嬰務鮮愛心貴暄好流雲入  
輕扇獨撫移炎節觴賞寄歡宴景夕珍簟  
清徜徉篇卷薦含風快幽堂衆鳥似相眷  
點翰聊復爲花藥何婉孌年謝悟壯非懷  
哉從所繕

自德清歸

漠漠溪流桑柘陰靡靡江靄轉風林洄沿  
曲渚依雲斷演漾歸舟入浦深誰向葦間



操獨靈自憐蒼上集輕禽五湖晨夕煙波  
裏憶爾飄零柰晚心

又

夏始輕光湛欲浮芳含積水共悠悠亂雲  
深度妨穿槳歌樹叢生碍放舟風入忽驚  
衝鳥散心遺方覺對山幽堪憐棲息南枝  
念猶負平生作遠游

初夏五首

幌虛新節變流景下南端露葉交陰密風

篔簹響乾宵清憐意緒人遠結情歎極目  
東臯上平生自寡歡

又

高煙輕晚色飛幔入平霞風逸驚琴斷微  
鳴應管斜隱窓浮密樹倚檻發孤花試問  
臨池客爭言似戴家

又

石院細香通開軒快竹風引涼珍簾適銷  
慮羽卮同鳥立新枝上雲來亂葉中徜徉



將永日機謝境偏空

又

溪碧漫新流遙翔青翰舟雜芳薰欲醉修  
竹繁成幽長卧嫌人懶微吟使興留王弘  
偏未醒傲岸水邊樓

又

曹閒消晝永情簡息聲聞自可知魚戲還  
同入鳥羣林滋杯翠映荷卷葶衣芬觴賞  
蕭然寄何人能似君

夏日書懷

爲情多僻靜無紛默坐開簾近石雲養鍊  
欲窮朱火候採真流玩紫臺文琳琅受簡  
神應化花藥成丹氣自薰空羨仙才難可  
遇祇應遙禮太霞君

又

閑栽幽竹映江湍斜引新流護碧欄琴誦  
摧藏空自理仙經沉酒復時看已拚煙液  
忘玄瀨欲取身名付紫丹偏許仲君能好



道清宵露冷羽人壇

贈醫王生

早學輕身抱玉書日開千軸任蕭如遠尋  
石逕看松老獨上山梁照葉舒雨後深深  
逢乳竇春前泚泚長神蔬閒房藥鼎時聞  
沸探得菖蒲慮自虛

偶成

雲崖重密被青苔縈抱山楹曲隱臺對酒  
悲歌多感激撫膺年志半摧頽翩翩負氣

誰能下悵悵遠時獨可哀醉後欲書春草  
帖乞將逸少陣圖來

黃龍洞

神壑思堪幽龍祠異境留洞陰苔積厚石  
暗草生周應自玄夷宅空疑靈氣浮蒼茫  
難可問峯上雨新收

又

冷然探漏穴恭事禮靈湫晝寂林嘗濕巖  
深氣轉迢俯窺千仞落驚測幾重幽欲識



陰晴變雲生映澗流

登山頂望太湖

探策凌深峭湖光杳靄間數帆煙際舸幾  
點鏡中山積水渾無淚孤雲遠自閒故林  
何處所惟見鳥飛還

又

縈流經大澤瀰望自靈區氛晦連朝合蒸  
嵐入畫俱波文搖弱縷天色接平蕪翻使  
浮沉意飄飄若渚蒲

沈洞

青逕散松色飛蘿掛洞泉境深泥踐滑  
冥勢幽偏穿石疑空入攀崖訝倒懸由來  
招隱地別自有靈仙

又

蒼蹬午交映碧溪多夏雲濺衣苔石潤翳  
壑水煙曛險仄虎相倚欹巉杳未分還疑  
石牀博落落子聲聞

同潞南宴集山寺



閒來就梵筵張樂法雲邊遺象潛靈歇荒  
臺引興偏勝風欣欣洽宿昔重周旋盈抱  
煙霞氣懷君獨慨然

夏懷十首

閒興能忘世眠長日較寬葵芳傾滿院竹  
色倚盈欄命酒逢僧酌携琴就水彈風生  
五明扇一詠自成歎

又

頻年客未歸連夕夢荆扉別緒繁初葉牽

情繫落暉雲依風外薄涼入雨餘微寂寂  
知何計身名悵已違

又

夏木行園晚丘樊勝地遙綠侵書幌落香  
逼硯池飄花水流穿竹林霞典隔橋江淹  
方避事吟思近來饒

又

卧蘚遶臺斜崩欄擁篆沙樹空多聚蟻煙  
晚半藏鴉掃地憐雲落移牀愛影加陶然



衣正解隴上自鋤瓜

又

花間半掩門引水灌松根蕉葉逾新色池  
芳亞退痕棲閑身是客野飲石爲尊回軫  
清商曲含涼遂滿軒

又

雲移當院午虛簟入炎蒸懶慢輕前事離  
筵對古藤槿疎榮落淺荷小雨來勝却憶  
青山下何時興可乘

又

聊從餘步返別是野人期茂樹陰堪倚初  
菘暖自垂窓隨山影靜軒度竹聲遲休更  
携碁局閒來倦不支

又

赤岸景流炎深林愛獨潛盤旋嵐在戶陰  
映葉交檐草蔓連長浦松風咽細蟬踟躕  
看信美終夕莫應厭

又



積靜堪求道機忘勢愈違茅簦呼鳥慣蓬  
戶叩人稀月出清紈扇江深照薜衣山川  
容傲睨沉飲孰知非

又

樹裏開閒牖幽牀近碧湖濕煙薰永日空  
藻冑輕鳧雲去知心寂暄消覺夜孤薄遊  
殊未已芳歲坐相徂

雨晴

日暮青林薄南齋雨後暉蘼文滋砌石荷

氣襲人衣影逐輕濃散雲從遠近歸自娉  
山壑趣轉愛夏陰稀

送陳生歸

去月乘舟住今晨帶酒分風虛輕扇入天  
遠暮鍾聞信是才堪倚應知芟可焚莫將  
疎宕意秋水遲逢君

又

原色散湖陰情爲悵別深飛霞開半壁含  
雨遍幽岑江路愁能盡鄉園夢懶尋聊憑



寄衰鬢爲道未歸心

夜坐

倚欄延迥眺，虛閣小涼時。  
暗葉零新露，輕歌奏羽卮。  
度螢經竹靜，遙漏出花遲。  
試問今宵月，清光還爲誰？

送羽泉北還

旌車曉欲扁，齊駟戒長征。  
入對朝章練，逢時獻納清。  
掖垣分夜直，環珮百花迎。  
若向麒麟閣，看題舊日名。

又

離亭開曙色，軒蓋繞通津。  
樹引鳴珂去，雲將別緒新。  
寵頻知遇渥，恩重識曹親。  
想到公車日，遙憐奏紫宸。

湖署墨妙亭

一逕延松色，幽亭抱水紆。  
境連青靄合，簷接翠陰逾。  
架險疏丹壑，開煙倚碧湖。  
任堪山簡醉，歌舞在康衢。



又  
興餘扶曲磴臺榭到平蕪驚巘凌霞上游  
禽蕩影俱月陰斜散朗石勢遠爭孤信是  
娛清夜悠然景最殊

愛山堂

英英竹栢抱芳臺花霧蒙茸潤石苔縹碧  
千重林上散虛嵐幾點樹中來軒楹蘿覆  
情同逸井邑雲深望總開解綬自嗟猶未  
遣空將延佇愧時才

又

峯色遙來應接餘灌叢蒼澗出煙初已多  
姿態生空宇翻覺雲陰滓太虛新翼爭翔  
幽足騁翠滋深蓄寂堪踈憑高一盪胷中  
氣俯仰塵勞故自祛

夏日書情

萬事消空成獨遠遂於人境自分途朝霞  
結駕參靈岫淪景辭家訪岳圖芝桂盈情  
逢論討金英含液寄虛無誰言窺井能飛



雪爲有神池歲不枯

又

珊瑚作押水精簾虛薄含風暑不沾飛馭  
冷然疑自至輕煙浮動漫湏纖凝和一任  
朱明燠遺世兼忘赤日炎更引新聲變清  
徵蕭蕭羽磬出松檐

又

欲御風綃曳碧霞兼邀桂父設桐花只言  
冰谷堪消暑無那仙人戲乞瓜麗石竒雲

姿不定醴泉涼露潤多誇甫能羽翰生塵  
世可是煙霄路轉遐

又

寥朗踈陰下翠墀高齋新沐月來時樽前  
孤賞情同嘆霞外深心世豈知指點詩成  
青雀舫分明環掛石榴枝流螢暗霧紛相  
歇清暑人間興與遲

又

莽莽炎光草木長迴看虛岫積雲芳風乘



開宇神情散荷繞清潭月氣香煩鬱自當  
良夜失紛埃未使醉眠妨開帷正爾延輕  
吹忽聽遙林墜葉涼

又

天矯山城積水空葦花江色片帆通臯禽  
徐引青煙上涼氣潛來綠靄中已識一觀  
同夢覺何須萬牒倚才雄古來失路誰相  
假惟有啗恩是世公

又

霧縈織綺浣愈明宴踐朝林暑色輕昵昵  
羈愁相對語超超高視別爲情峯疑白鶴  
當飛瀑澗架長虹近晚晴聞道金堂泉石  
冷祇須絳簡一書名

又

空將積雪想蛾眉散患宵來勢小差可耳  
乖離還自慰比成羸乏強能支蟬流暗葉  
深溪上煙在高樓疎雨時爲報石壇瑤草  
道秋來應有許玄期



新齋

幽戶湛青霞高窓網碧紗涼含秋半入風  
落思兼遐動影閑流葉浮香綴小花情深  
聊自玩精理任堪誇

又

簷色納霄清帷風散雨輕淨憐餘絢接虛  
映積芳明迥極華仍覆長樂露已盈應知  
流調逸賞寄重平生

綠不曲

春潮廣難度舟浦日復斜弱楫牽新草  
鳧泛驚霞動影非一香芳枝發九華願逐  
風中葉晚入王昌家

又

澹蕩溢春堤蘋萍漾清沚映水照雙蛾塵  
容爲誰理去時荷未抽已見葉上紫嘆絕  
空復情焉能遺蕩子

又

江潭洞無底分明見秋月相憶寧知處煙



波不可越

又

傷絃理哀曲愁思望歸橈橫使清霜入易  
得損豐翹

春夜怨

春氣深春夜沉却愁花落蕩春心月輝斜  
入照牀臨香盡膏殘恨不禁憶雙情結雙  
衽愁嘆絕愁思稔欲褰鴛鴦襟淚濕同心  
錦

苕霅漁長

四詠爲施璉川賦

連波開曉氣川沫澹浮磯緬策簷生篠蕭  
槭芙蓉衣煙平兩溪駛雲月花上輝渺漫  
詫何伯情賞安可違

窪尊醉客

石芝醞神醴欲飲方自怡澹泊似無旨眷  
戀發沉思歡暢願終已榮名安所爲飄風  
視二豪日醉不足疑

峴山鐵笛



散漫宿巖雲幽嶠傳清響聲隨山石裂韻  
逐秋風上逸調無近情曠絕自神賞夜深  
霜月淒潛靈泣泔漾

碧浪蘭舟

輕風疊煙浪揚撓弄水石磷磷縹碧深隱  
隱月陰積露入歌前溪霜空矯歸翼從知  
漱流人抗已隱孤跡

七夕詞

穹陽夏方展暗霧靈期及望促露下滋風

長夜流急臨濟單策飛蕩思常機入別離  
經歲心歡恨自交集暫御鉛華新宿昔瓊  
芝澁匹影故無儔偶夕翻成泣墜緒豈易  
尋浮淒渺難緝去去秋雲深明愛空霄悒

閒懷

松覆池陰一逕欹甘蕉擢葉菽江籬庭閒  
清晝花光炫任取游絲罨蝶兒

又

幾重暝翠散林霏池上雲昏度雨稀山鳥



避煙深樹裏徐徐倒帶夕陽歸

行次平望

荻岸惟聞風水聲煙波朝夕此中生扁舟  
演漾深溪黑鳥外猶餘落日明

又

溪雲片片落湖中釣艇悠悠出灌叢可是  
幽篁能蔽日從知喬樹善生風

又

草閣臨流興自孤夜闌江上戒征艫芙蓉

漫有風前色楊柳空知贈旅途

景遇篇

千古君臣契勲華載典謨股肱方自倚霖  
雨正相須贊禹欽時憲咨堯奉

帝圖睿謀勤啓沃聖彥慶交孚朝訪彤庭  
老宵延虎觀儒剡天芳藻吐向日赤城輪  
寅畏陪昭事聲明佐賁敷桂宸通近直蘭  
幄務遙趨文命乾坤朗忠貞宇宙扶陳辭  
瑯壁薦拜冊紫金塗績可資膺運功能幹



化樞五靈懷降鑒八寓協貞符簡遇

恩章溢頻繁

寵數逾九流歸道冠一品識階殊鶴錦翻  
躔並鴻私浩蕩俱六龍開遠馭絕影騁康  
衢赫赫光英照油油霈澤濡上筵和惠洽  
玄宰漠情愉嘉瑞明豐貺祥輝耀泰隅內  
芝供列俎清露在仙厨雲策乘瑤鹿霄官  
藉碧蒲援稽窮緯候流覽極神都盛烈前  
靡覩淵心退若無顧歆隆眷饗遐祚福黃

虞選德榮雙管推仁逮匹夫后夔升鼎鉉  
伯益掌洪鑪舞率三階正歡隨百獸呼景  
星臨法從休氣塞寰區力仰生成厚詞難  
覆育模深慚留滯跡欣願履

皇途

越覽篇



